

B. N. C.
FIRENZE
1058
31






ILLUSTRISS. ET REVERENDISS. D.
D. ANTONIO FRANCISCO
SANVITALI
ARCHIEPISCOPO EPHESINO
UTRIUSQ. SIGNATURÆ REFERENDAR O
SS. D. NOSTRI PRÆLATO DOMESTICO,
ET EPISCOPO ASSISTENTI,
Ac penès Sereniss. Magnum Etruriæ Ducem
APOSTOLICO NUNCIO

Se suamque Theologiam

D. D. D.

FRANCISCUS MARIA A S. JOSEPH SCHOLAR. PIAR.



FLORENTIÆ, MDCCV.

Apud Petrum Matini Archiepiscopalem Typog. Sup. per.

1058

31



ME ME
ILL. ET REV.
P R Æ S V I.



Uam ad Sedem, *ILLUSTRISS.* ac *REVEREN-*
DISSIME PRÆSUL, nostra confugit Theologia.
 Ed videlicet, quo maximo quisque indigens patrocini-
 o se recipere consuevit. Præcipuam tamen scientia
 illi debes tutelam, quæ suam Tibi omnem contulit
 Dignitatem. Non enim Divina hæc Sapientia tu-
 tius sibi pollicetur auspicium, quàm ab ijs, de quibus optimè se fuisse
 meritam intuetur. A primis; ita dixerim, a visus in Te oculos
 illa defixit, quem ad sublimia gentium celesti, quo præstat, lumine
 iam tum aspexit. Patriam Tuam licet amplissimam Amplitudini Tuae
 imparem fore tunc rata, omnium Patriam, Urbium Reginam Tibi
 destinat Romam. Non fragili felicitate proventus buculque repentinis
 successibus evolasti; sed ut crescere virtutes solent, ad fastigium præ-
 conij conscendisti gradibus dignitatum. Illuc Te adducto, ipsa testis
 est Roma, quàm citissimè vastissimum illud Mundi totius Theatrum
 existeret admiratio. Illud, inquam, Theatrum, quod magnis assi-
 duè spectaculis assuetum, maximis solet arridere vix rebus. Ipse ta-
 men, non Civium modò, sed sanctissimos etiam Orbis Moderatores
 animos aded derivinxisti; ut præcipuis sedum suarum bonis Tibi
 non potuerint non camulare Sapientiam. Tota, nedum Roma, Te
 non capiebat Italia: quæ quum Amplitudini Tuae credidisset &
 Gallias, dispendioso statim indoluit subrata consilio: & sua potius
 necessitati, quàm Dignitati consulens Tuae, quæ non habuerat unde

Magnitudini Tuæ satisfaceret, habuit unde Tua fieret Autoritate.
 præstantior. CLEMENS eo Nomine XI. quem Optimum Maxi-
 mum Deus nobis diu seruet incolumem, ad sublimia Legationis Apo-
 stolica Munera assumpto Suas Tibi Vices committere non dubitavit:
 Ut scilicet Regiones illas, quas fama iamdudum obieras, non tam pe-
 dibus peragrare, quàm illustrares exemplis: & Christiani Orbis
 Principes, qui Te Nomine Magnum procul audierant; præsentia,
 rebusque Maiorem propius admirarentur. Si autem à primis Digni-
 tatis huiusce auspicijs liceat capere coniecturam: eò brevi te deventur-
 um agnoscamus, ut nulla tuis ornamentis accessio posse fieri videatur.
 Si de alio, quàm de Te loquerer; PRÆSUL Dignissime, non
 dubito, quin huiuscemodi laudes ad assentationis terminos emigrasse
 credi possent. Quid enim sibi de Te, vel disertissimus quisque polli-
 ceatur, quod & meritis, & moribus facundius ipse non eloquaris?
 Quare mihi sic gaudeo nullam Tibi instituire posse commendationem, qua
 Te longè maiorem universa hæc Civitas non assentiat. Primo vel in-
 gressu Civium omnium Tibi venerationem adeo comparasti; ut, velit
 nolit Tua moderatio, sublimium quisque meritorum Tuorum sit futurus
 encomium nullo unquam tempore defuturum. Et sanè Tuam quis possit
 non diligere Humanitatem? Primum hæc, veluti Patrimonium præ-
 clarissimam Maiorum Tuorum stirpem se ipsa fecundavit per partes;
 ut in singulis aliquid Tui proluderet, & ex pluribus unum Te abso-
 lveret, in quo se totam exprimeret. Omnes ita complecteris: ut nihil
 magis optare, nihil meditari magis, quàm beniquè omnibus agere,
 videaris. Adeo meliorem Te præstas, quàm Tibi alium precareris,
 ut inveniri non possit, cuius spem, atque expectationem, non dicam
 fefelleris, sed, qua delicatior est querela, distuleris. Nonnullam Ipse
 egessatibus ambitionem intulisti, ut optentur, quo Te Amantissimum
 habeant Sublevatorem. Mihi planè sic contigit ingenij mei tenuitate,
 quam sentio, pene dixerim, gloriari: dum Te, qui vel Nomine au-
 spicatissimo, ut cum Athanasio loquar, animum, viresque adderes,
 invenirem. Minimum igitur hoc iamdiu Tibi debitum obsequiorum
 nostrorum excipe monumentum: Quod Tibi non incundum esse non
 poterit; quam sit vel Amplitudinis Tuæ parva, qua recipis, in sublime
 statim attollere; vel Modestiae levis temperato vultu non dedignari.
 Dominationis Tuæ Illustris, & Reverendis.

Humill. Addictiss. & Obsequentiss. Famulus
 Franciscus Maria à S. Ioseph Scholarum Piarum.

CON-

CONCLUSIONES THEOLOGICÆ.

DE VERA RELIGIONE.



1 Era aliqua est Religio, in qua Deo vero verus cultus, & honor exhibeatur. Hæc, licet non indigeat rationibus intrinsecis comprobari, admittit tamen extrinsecæ argumenta, quibus evidenter credibilis fiat, eamque amplecti omnes teneantur, & quidem ex corde; ita ut licitum non sit Religionem simulare, aut extrinsecè negare, contra Helcesaitas; quamvis liceat fuga declinare persecutionem, adversus Montanistas. Martyrij tamen sanctitas, & necessitas manifestissima est, contra Gnosticos.

2 Sola Christiana vera est Religio, eaque manifestis signis evidenter credibilis. Notæ verò credibilitatis quinque assignantur: Verus prædictio, Evangelij per omnes terras propagatio, Dogmatum sanctorum, & æquitas, Miraculorum, magnitudo, & varietas, invidiosissimorum Martyrum triumphus.

3 Inter Religiones, quæ Christianæ esse, & dici volunt, sola vera est Catholica Romana, quæ Romanum Pontificem Christi Vicarium in terris, Petrique Successorem veneratur; eaque sola insignitur quadruplici illo charactere, qui ad veram Ecclesiam dignoscendum exigitur, & in Nicæno Symbolo traditur. Una, Sancta, Catholica, & Apostolica est. Quibus Ecclesiæ Romanæ donibus additur antiquitas, firmitas, & visibilitas.

4 Non solum quæcumque Infidelium sectæ sunt omnino incredibiles & rationi contrariæ; verum etiam omnes aliæ Hæreticorum. Quas inter præter Religionum neutralitatem, quæ ad scelera omnia ipsumque Atheismum aditum facit, damnatur Lutherana & Calviniana, quæ tantam præferunt incredibilitatem, ut inexcusabiles prorsus sint earum sectatores.

DE SACRA DOCTRINA.

5 Vera Religio indiget Sacra aliqua Doctrina, per quam & fideles confirmet, & Hæreticorum sophismata dissolvat. Ecclesiæ itaque Dei necessaria simpliciter est Theologia, quæ vera scientia est, licet in hoc statu careat evidentiâ; quia Scientiæ Beatæ subalternata, ab ea in evidentiâ suorum principiorum dependet. Una simpliciter est tum ex unitate obiecti formalis, Dei scilicet sub ratione Deitatis, tum ex ratione formali sub qua, Divina nempe revelatione virtuali.

6 Est eminenter practica, & speculativa; & quamvis non entitativè, obiectivè tamen, & originativè supernaturalis est, cum habeat, & obiectum, & principia supernaturalia. Hinc est, quod tam certitudine obiectiva, quàm formali, omnes naturales scientias antecellat, & earum principia ad suum revocet examen. Unde vera Sapientia est.

DE LOCIS THEOLOGICIS.

Cum Theologia sit habitus discursivus, habet sua Loca, ex quibus argumenta eruat, Decem enumerant: Sacrae Scripturae auctoritas; Apostolorum traditiones; Ecclesiae Universalis consensus; Generalium Conciliorum definitio; Decisio Summorum Pontificum; Sanctorum Patrum, & Ecclesiae Doctorum, Augustini praecipue & Thomae testimonia; Theologorum, & Canonistarum sententia; Philosophiae, & rationis naturalis pondus; Legistarum, & Philosophorum concordia; Historia denique humana ex fide dignis Scriptoribus.

8 Scriptura Sacra vulgatae editionis, quae longo tot saeculorum usu in Ecclesia probata est, & ultimè per Sixtum V. & Clementem VIII. diligentissimè emendata, infallibili pollet auctoritate. Per Scripturam autem Sacram, intelligendi Libri illi omnes, qui ut Canonici à Tridentina Synodo Sess. 4. suscipiuntur.

9 Hi Libri omnes, de quorum auctoritate iudicare, ad Ecclesiam, eiusque Caput spectat, integri cum omnibus suis partibus à Deo sunt inspirati. Unde nefas est eos corrigere, & ab ijs ad Hebraica, Graecaeque exemplaria provocare, etsi LXX. Interpretum editioni, venerationis plurimum deferamus. Et quamvis eorum lectio utilissima sit; iustis tamen de causis vulgari lingua legendos, prosumicuo vulgo interdicit Ecclesia.

10 Sacrae Traditiones, quae ab Apostolis nunquam interrupta serie ad nos pervenerunt, veluti Spiritus Sancti voces, scripto non alligatae recipiendae sunt: Sicut etiam quidquid tenet, vel sentit errori minimè obnoxia, & inconcussa, veritatis arbitra Ecclesia Catholica, ad quam soli Fideles pertinent, siue boni, siue mali, & potissimum Episcopi indices controversiarum.

11 Symbolum, quod Apostolorum dicitur verè ab ipsis & traditum, & compositum est. Apocryphae verò sunt Constitutiones Apostolis, & Clementi Romano suppositae. Octoginta quinque Canones, qui Apostolici inscribuntur, incertum an ab ipsis prodierint; illis tamen effectus esse validissimis argumentis comprobatur.

12 Ex Apostolica traditione manavit Ecclesiae Romanae, aliarumque disciplina Pascha celebrantium die Dominica post Lunam 14. primi mensis. Controversiae nihilominus de legitimo celebrandi Paschatis tempore, inter Asiaticos, & alias Ecclesias motae, ad disciplinam dnm taxat, non ad Fidem spectarunt.

13 Ante Paschale Ieiunium ex Apostolica traditione acceptum, quadraginta circiter dierum spatio perduravit. Ad illud tenerentur Fideles, quamvis ab Ecclesia institutum putarent. Longè diversa à Montanistica superstitione Romanae Ecclesiae Ieiuniorum Religio. Abstinencia à carnibus, quidquid blaterent Calvinistae, Ecclesiastici Ieiunii semper pars fuit.

14 Infallibile est OEcumenicum Concilium, duce Spiritu Sancto, approbante, & confirmante Romano Pontifice, congregatum, qui Ecclesiae Universalis Episcopus & Primas; ita solus generalem Synodum cogere potest, ut supra ipsam supremam auctoritatem, & potestatem habeat. Quare in quaestionibus iuris errare nullo modo potest cum à Cathedra desinit, sicut quoad quaestiones facti, errori aliquando possit esse obnoxius.

DE DEO, ET EIUS ATTRIBUTIS.

Deum existere est per se notum in se: nobis verò naturaliter evidenter innotebit à posteriori per effectus, qui impossibilem reddunt Dei ignorantiam. Metaphysicum eius constitutum est Divina intellectio per modum purissimae actualitatis.

16 Attributa, nec inter se, nec cum essentia patiuntur distinctionem formalem ex natura rei, sed tantum virtualem. Perfectiones omnes creatae in Deo includuntur.

cluduntur aliquæ formaliter, aliquæ virtualiter. Infinitus proinde ab intrinseco est in omni genere entis. & immensus. Omnibus præsens intimè per suam operationem virtualiter transeuntem.

DE VISIONE DEI.

17 **V**isionis Dei possibilitas est naturaliter indemonstrabilis, & ad eam ita necessarium est lumen gloriæ supernaturale, ut nec istud per aliud suppliri possit, nec possibilis sit substantia, quæ naturaliter Deum videat.

18 Non datur potentia obedientialis immediatè activa. Unde lumen gloriæ est adæquata, & immediata virtus eliciendi actum visionis, cuius inæqualitas remotè ex inæqualitate meritorum, proximè ex inæqualitate luminis procedit, & ad eam elevari nequit oculus corporeus.

19 Ita essentia Divina per se ipsam immediatè unitur intellectui Beato sine specie impressa, ut hæc sit impossibilis sicut & expressa. Repugnat pariter Deum à creatura comprehendere. Unde in eo videri non possunt omnia possibilia: quævis quæ sunt in eo formaliter, omnia necessariò videantur.

20 Beati vident in Deo ea omnia, quæ in hoc Mundo sunt pertinentia ad proprium statum: & licet in mortali vita nemo fuerit permanentè Beatus, fuit tamen aliquis transeuntes, ut Divus Paulus.

DE SCIENTIA DEI.

21 **D**ivinus intellectus per omnimodam scientiam, omnia comprehendit, ita tamen, ut sola Divina essentia sit eius obiectum primarium tam motivum, quàm terminativum. Cætera à se cognoscit in seipso tamquam in causa & medio prius cognito. Duplex tamen distinguitur in eo scientia, una qua attingit possibilia, & dicitur simpliciter intelligentiæ, altera dicitur visionis attingens futura, quæ sunt illi physice præsentia in æternitate.

22 Scientia visionis est causa non solum directiva; sed etiam effectiva rerum iuxta ideam, quæ in Divina mente datur, & nihil aliud est, quàm ipsa creatrix essentia diversimode participabilis. Ante Divinum Decretum nulla res est determinatè futura. Unde futura absoluta cognovit Deus in Decreto omnimode absoluto; conditionata verò in Decreto absoluto ex parte actus, conditionato ex parte obiecti. Quapropter scientiam mediam proflus rejicimus.

DE VOLUNTATE DEI.

23 **S**icuti intellectus Divinus intellectionem habet à se virtualiter indistinctam; ita volitionem voluntas, cuius obiectum formale, & motivum & terminativum est sola Divina Bonitas, quam formaliter necessariò amat, & ex eius amore effectivè res præsentis & futuras, non autem possibiles.

24 Amori, quo Deus homines amat formaliter coniungitur zelus, quo impios punit, ita exigente iustitia vindicativa: cum qua unitur distributiva, non tamen commutativa supremo dominio repugnans. Spes quoque, Timor, Tristitia, Odium, Ira, & Desiderium, in Deo esse non possunt.

25 Voluntas Divina libera est per liberam terminationem ad creaturas, desiderabilem sub conceptu terminationis, non verò entitatis, & perfectionis. Non potuit tamen voluntas manere suspensa à libero decreto de futuritione, vel non futuritione rerum.

DE OMNIPOTENTIA, ET PROVIDENTIA DEI.

26 **F**acultas creandi ita propria est infinitæ Dei potentiae, ut creatura, nec principaliter, nec instrumentaliter creare possit. Anima nonnisi à Deo creatur, sed non ante corpora, itaut in illis incarcerationetur propter peccatum,

tum, ut effutiebant Origenistæ. Omnipotentiam comitatur Providentia formaliter ad intellectum pertinens, quæ, licet permittere possit mala, omnia tamen ad bonum finem ordinat, quem semper assequitur.

DE PRÆDESTINATIONE, ET REPROBATIONE.

27 **P**rædestinatio principaliter in actu intellectus consistens, non habet pro motivo prævisionem meritorum, sed voluntatem Dei gratuitam. Eius effectus inter alia sunt, permissio peccati, gratia efficax, licet per peccatum interrupta, & actus supernaturales.

28 Reprobatio positiva prævisas culpas supponit, non sic negativa. Prima, permissio Peccati, & aliorum, necnon perseverantiæ in illis, & impenitentia finalis, sunt Reprobationis effectus.

29 Æterna est Dignorum, hominumque reproborum damnatio, contra Origenistam; unde commenditia est Traiani ab Inferis liberatio precibus D. Gregorii.

DE TRINITATE.

30 **S**anctissimæ Trinitatis Mysterium, etiam revelatione supposita demonstrari nequit. Dantur reverà in Deo tres Personæ, contra Sabellium, aliosque Hæreticos. Duplex datur processio ad intra, quarum principium est intellectio & volitio, connotantes Paternitatem, & Filiationem. Spiritus Sanctus non est Filius, nec genitus, quia per voluntatem procedit.

31 Ex processionibus quatuor relationes sequuntur, quæ secundum esse ad, perfectionem non dicunt, nec habent proprias existentias. Distingunt inter se Personæ Divinæ, quas sub conceptu subsistentiæ relativæ constituunt: præter quas datur subsistentia absoluta, Naturæ Divinæ propria.

32 Quamvis Verbum Divinum non generetur per se ex cognitione futurorum, necessariò tamen procedit ex cognitione Essentiæ, Attributorum, & Possibilium. Spiritus Sanctus, ita petit procedere ex duabus personis, ut tamen istæ sint unum tantum principium spirans; & si à Filio non procederet, ab eo non distingueretur.

DE ANGELIS.

33 **A**ngeli propter omnimodam materiæ carentiam ab intrinseco incorruptibiles, & solo numero immultiplicabiles, sunt in loco naturali per operationem virtualiter transeuntem; in violento per passionem, & existere possunt in qualibet minima parte loci etiam in puncto, sicut & transire de uno extremo ad aliud intacto medio.

34 Seipfos intelligunt per propriam substantiam, cetera à se per species infusas, eò universaliores, quò perfectior Angelus. Sunt ab intrinseco inflexibiles in eo, quod deliberatè elegerunt, etiam in primo peccato, quod non potuit esse in primo instanti; & fuit superbia propriè dicta. Omnes tam boni, quam mali simul creati sunt in principio Mundi. Non sunt Mundi conditores, contra Simonem Magum.

DE PRIMA RERUM CREATIONE, ET ALIIS AD SACRAM HISTORIAM SPECTANTIBUS.

35 **O**mnia Deus in tempore, non ab æterno creavit, unde materia illi cœterna non fuit, ut somniavit Hermogenes. Sex diebus huic opus iuxta Moyseis recensionem destinatis, qui dies naturales fuerunt secundum communem Patrum assertionem, & magis obvium Scripturæ textum.

36 Sexta die primus omnium hominum Adam formatus contra Præadamitæ,
indeque in Paradisum translatus, qui verus locus in terris fuit, non metaphori-
cus, ut erravit Origenes; eumque censemus à Diluvio deletum Negare æter-
nam Adami salutem, hæresin sapit. Defendere non possumus Lamechum, qui
primus polygamiam induxit, quamvis Patriarchæ plures habuerint uxores.

37 Enoch à Deo in incertum locum translatus adhuc vivit. Dei Filij, qui
Gen. 6. leguntur cum filiabus hominum commixti, non Angeli, sed veri homines
fuerunt, sicut & ab ijs procreati Gigantes. Anni Mosaici vel pares nostris, vel
non multum breviores fuerunt. Diluvium Noëticum universale fuit, non solum
Pakistinæ, contra Præadamitæ.

38 Melchisedech, verus homo, contra Melchisedechianos, Rex Salem, &
& Dei Sacerdos non fuit Sem filius Noë. Liber Iob contra Lutherum, ver-
ba Historica est, non fabula: sicut & Liber Tobie, contra Paulum Fagium. Iephthæ
filiam suam impiè mattavit.

DE GUBERNATIONE DEI.

39 **S**uavi Deus regimine omnia moderatur, singulisque hominibus Angelorum
custodiam destinavit. Cum quo stat, quod interdum miracula efficiat,
quæ neque Dæmon, neque alia creatura operari potest.

DE BEATITUDINE.

40 **I**N Deo non solum ut uno, sed etiam ut trino ultima supernaturalis Beati-
tudo sita est; & clarè visus necessariò amatur. Formalis autem Beati-
tudo in actu visionis, non amoris, seu fruitionis consistit. Repugnat duos
ultimos fines adequatos ab eadem voluntate simul intendi.

DE ACTIBUS HUMANIS.

41 **H**omo libero arbitrio præditus est, quo & bonum operari, & pecca-
tum vitare possit, contra Manichæos. Hinc est quod non dantur ho-
mines natura boni, aut mali, ut impiè adstruxerat Saturninus.

42 Omisso voluntaria non est, nisi detur præceptum non omittendi, & actus
qui sit causa, vel occasio omittendi. In individuo non datur actus indifferens,
& actiones exteriores nihil intrinsecè bonitatis, aut malitiæ addunt internis acti-
bus. Non licet sequi sententiam minus probabilem in concursu probabilioris.

DE LEGIBUS.

43 **I**N iure naturali, eadem manente præcepti materia, Deus dispensare ne-
quit; eiusque invincibilis ignorantia dari non potest. Legis positivæ, &
humane, cessante adequata causa, cessat obligatio; quemadmodum Lex
vetus in morte Christi cessavit, quamvis per aliquod postea tempus mortificera-
non fuerit.

DE VIRTUTIBUS.

44 **V**irtutes, quæ sine Charitate perfectæ non sunt, ita inter se connectun-
tur, ut una perfectè sine alia non comparetur: & in altera vita
quoad conformitatem appetitus cum ratione permanent. Perfe-
ctiones autem acquisitæ sunt morales infusæ, quæ vitæ spirituali, cum Spiritus
Sancti Donis necessariæ sunt.

DE FIDE.

45 **F**idei Theologicæ obiecto annexa quidem obscuritas est, sed non ex eius
ratione formali; itaut, stante evidentiâ in attestante, Fides non de-
struatur. Ut aliquod dogma de Fide universaliter credatur, requiritur
Ecclesiæ

Ecclesiæ propositio. Quod si quis unum articulum inficietur, nulli credere censendus est, quamvis is assentiri videatur, quæ à quolibet Catholico Fide explicita sunt: **ne** scilicet, Incarnationis scilicet & Trinitatis mysteria.

46 Per peccatum Fides non amittitur, quæ quodcumque naturale principium certitudine longissimè excedit, & ad cuius professionem aliquando obligamur.

DE SPE.

47 **I**dem sequitur Spes Theologica, ad eam Catholicis etiam peccatoribus necessaria, ut si cui divinitus facta fuisset damnationis ob liberum peccatum infligende revelatio, adhuc sub mortali teneretur æternam vitam sperare.

DE CHARITATE.

48 **T**ertius Theologicus habitus Charitas est, quæ primariò amore salutem appetitivo diligit Divinam Bonitatem; secundariò Proximum, quæ etiam Inimicum amare iubetur, quidquid aliqui in Lege Mosaicæ odium inimicorum licitum malè asserant. Charitas autem ut augeatur exigit actum æqualem, vel iocundiores.

DE VITIIS, ET PECCATIS.

49 **C**uiuslibet peccati malitia formaliter consistit in privatione debite rectitudinis: nam si nulla daretur æterna Lex, nullum daretur peccatum formaliter. Et cum peccata ex obiectis, & circumstantiis specie distinguantur, multiplicatur ex varijs præceptis in multis.

50 Peccatum mortale gratiam Dei non compatitur; bene tamen veniale, quod etiam quantum ad formale in appetitu sensitivo inveniri potest. Omnium malorum radix est originalis culpa, quam in omnes homines (excepta Beata Virgine) ab Adâ no transfusam docet Catholica Fides.

DE GRATIA.

51 **I**n statu naturæ lapsæ minores sunt hominis vires in bonum, quàm fuissent in statu naturæ puræ absolute possibiles. Non ita de statu iustitiæ originalis dicendum, ad eam perfectum, ut nec morti, nec venialibus peccatis obnoxius esset.

52 Quanta sit homini lapsæ gratiæ necessitas, hinc patet, quod cum solo concursu generali, non sufficiat, nec ad opera supernaturalia, nec ad bona opera moralia, nec ad vitandas graves tentationes, nec ad Deum super omnia efficaciter diligendum, nec ad legem naturalem implendam. Ad vitanda tamen omnia peccata venialia ediditur præter gratiam specialem, specialissimi privilegium, soli Deo parare concessum.

53 Ad iustificacionem requiritur tanquam causa formalis Gratia habitualis realiter distincta ab habitu Charitatis, à solo Deo principaliter producibilis, cuius naturam participat. Unde peccatum quodammodo intrinsecam maculam remitti nequit absque mutatione intrinsecæ peccationis.

DE INCARNATIONE.

54 **D**ominica Incarnatio est naturaliter indemonstrabilis: cuius motivum, adequatum tunc humani generis redemptio, unde si Adamus non peccasset, Verbum non venisset. Pro peccato mortali simpliciter in ratione offense infinito satisfacere de condigno non potuit purus homo. Christus vero satisfecit, non solum de condigno; sed etiam de rigore iustitiæ.

55 Hanc Incarnationem, qua Verbum omnes Humanitatis partes, & Sanguinem assumpsit, & assumere potuisset quancumque aliam naturam, non

non meruit. In ea Deus verum corpus non phantasticum assumpsit, contra Basilidem, nec illud à Cælo detulit adversus Valentinum, sed à Virgine accepit, non tamen ex consortio eiusdem cum Ioseph, ut deliraverunt Ebionitæ. Non dividitur Christus à Iesu, neque est purus homo, ut nefariè asseruit Cerinthus.

56 In Christo præter gratiam substantialem admittenda est accidentalis: & licet ratione unionis hypostaticæ omnino impeccabilis fuerit, liberè tamen Patris præceptis obtemperavit, mortuus pro omnium hominum salute.

57 Is Ecclesiam fundavit, ac D Petrum eiusdem visibile caput instituit, quem etiam reliquorum Apostolorum Principem fecit. Petrus verò Romæ sedit, atque ibi mortuus est. Undè Romani Pontifices ei succedunt in Ecclesiastica Monarchia.

58 Christi Regnum post universalem hominum resurrectionem, non terrestre, sed celeste futurum est; graviter proinde erravit Cerinthus asserens terrestre futurum, ac mille annorum numero consumendum.

DE SACRAMENTIS.

59 **S**acramenta novæ Legis, gratiam ex opere operato physicè instrumentaliter efficiunt, alia primam, alia secundam, præter quam ius quoddam ad specialia auxilia primariò conferunt. Character enim trium Sacramentorum proprius, & intellectui impressus, effectus est secundarius.

60 Omnia Sacramenta in signo sensibili essentialiter consistunt, forma, & materia constant immutabili, & ad validitatem requirunt intentionem Ministrandi actum, ut Sacramentalem. In solo statu innocentie, non extiterunt Sacramenta, utpotè non nisi homini lapsò necessaria.

DE BAPTISMO.

61 **B**aptismus benè suppletur in casu necessitatis per flumen, & sanguinem, licet Iudæorum, & Gentilium Parvulis valide conferatur, iuvitis tamen parentibus universaliter non licet. Recedente fictione, gratiam confert quam prius in actu contulisset.

62 Baptismus ab Hæreticis collatus adhibita convenienti materia, & formæ, verbis Evangelicis expressa validus est, proindeque iterari non debet. Cyprianum, & Firmilianum contrariæ sententiæ inhaerentes (quod ad Fidem non spectare dogma crederent.) non excommunicavit, sed de excommunicatione minatus est Stephanus Romanus Pontifex. Is tamen non approbavit omnium Hæreticorum Baptisma variantium essentialem Ecclesiæ ritum.

DE CONFIRMATIONE.

63 **I**terabilis pariter non est Confirmatio, verum novæ Legis Sacramentum, cuius materia proxima unctio est Chrismatis ad modum Crucis. Eam suscipere quilibet tenetur saltem in casu profitendæ Fidei. Ministrare autem solus Episcopus potest. An ex Romani Pontificis dispensatione simplex etiam Sacerdos, probabiliter controversitur.

DE EUCHARISTIA.

64 **E**ucharistia verum est Sacramentum, simul & Sacrificium, in quo verè, realiter, & substantialiter permanet Corpus, & Sanguis Christi cum Anima, & Divinitate, Pane, & Vino per transubstantiationem, quæ est actio productiva secundum quid, in Corpus, & Sanguinem Christi conversis. Panis triticeus, & Vinum usuale sunt necessaria huius Sacramenti materia; unde errant Encratitæ solam aquam in Sacrificio adhibentes. Panis azymus convenienter adhibet Ecclesia Latina, Vinumque modica aqua mixtum.

66 Solus Sacerdos Eucharistiam conficere potest, eamque omnes adulti, præcepto Ecclesiastico, & Divino, aliquando sumere iubentur, non tamen in utraque specie: quia cum utriusque speciei communio minimè sit omnibus imperata à Christo: nec omnibus necessaria, ab usu Calicis vulgus iuste prohibuit Ecclesia.

67 **V**erum Sacramentum est Poenitentia, in qua Sacerdos solus eius Minister est; & ut iudex, non ut peccator à peccatis absolvit, nec ullum verè poenitentem excludere potest, cum nullum sit crimen, quod Ecclesie clavis remitti non possit, contra Novatianos. Per peccatorum remissionem merita mortificata in sua proportione reviviscunt.

63 Ad hoc Sacramentum Confessio per se exigitur, sed non publica, quæ olim in usu non fuit, nec ullis Ecclesiæ legibus sancita. Exigitur etiam dolor de peccatis, & satisfactio, quæ licet primis Ecclesiæ temporibus publica quandoque præscripta fuerit, nihilominus probabile est, quod publice poenitentia addicti fuerint solum publici peccatores.


69 **V**erum idem novæ Legis Sacramentum Extrema Unctio, à Christo Domino institutum, adversus Lutheranos, & Calvinistas. Oleum ex olivis expressum huius materia remota est, quod tamen, non de Sacramenti, sed de præcepti, & quidem probabiliter Divini, necessitate, debet esse ab Episcopo benedictum.

70. Animi infirmitates sanare, peccata dimittere, & corporis morbum, si ita expediat amovere, huius sunt effectus Sacramenti; cuius Minister est Sacerdos, potestatem habens vel ordinarius ut Parochus, vel delegatus, ut cui Parochus facultatem dedit. Subiectum est infirmus periculosè laborans, cui sæpius potest concedi in eadem infirmitate, secundum diversum tamen infirmitatis statum.

71 **A**B Ordine foemina omnino excluduntur, & non ſolum Presbyteratus, ſed etiam Diaconatus veram huius Sacramenti rationem habet. Episcopatus eſt veluti Sacerdotij complementum. Diaconis, quamvis olim licuerit poenitentes cum Eccleſia reconciliare, nunquam tamen abſolutionis Sacramentalis impertiendæ facultas conceſſa. Non ad profanæ, & vulgaris menſæ, ſed ad Sacræ miniſterium Septem Diaconi ab Apoſtoliſ electi fuerunt. Nicolaus Diaconus à Nicolaitarum hæreſi vindicari aliquomodo poteſt.

⁷² **M**atrimonium suapte natura indissolubile, solo contrahentium consensu perficitur. Licitum est transire ad secundas, tertias, &c. nuptias contra Montanistas; Et nuptiæ absolute licite sunt, quidquid in oppositum blasphemaverint Marcionitæ, Encratitæ, Manichæi, &c.

Disputabuntur publicè in Eccl. S. Mariae de Riccis Scholarum Piarum
Mense Die Hora



L.P.



